



JU CENTAR ZA SPORT I REKREACIJU SARAJEVO Mis Irbina 10/2
Telefon:033 268 760 Faks: 033 214 895, e-mail:pravna.sluzba@csrsa.ba
Transakcijski račun:1610000007160066 Raiffeisen bank, Poreski broj:01071063
Identifikacioni PDV broj:200560530009, Broj rješenja upisa kod suda:UF/I-29/03

OJ	RB	Str/Page
	IP- 48/24	

POSLOVNIK O RADU KOMISIJE ZA PROVOĐENJE JAVNOG KONKURSA za prijem u radni odnos u JU “Centar za sport i rekreaciju”

Sarajevo, septembar 2024



Na osnovu člana 8. stav 8. Uredbe o postupku prijema u radni odnos u javnom sektoru na teritoriji Kantona Sarajevo ("Službene novine KS" broj: 19/21, 10/22, 28/23 i 32/24) (u daljem tekstu: Uredba) i člana 12. stav 3. Pravilnika o radu sa unutrašnjom organizacijom i sistematizacijom radnih mjesta JU "CSR", Komisija za provođenje javnog konkursa donosi:

POSLOVNIK O RADU KOMISIJE ZA PROVOĐENJE JAVNOG KONKURSA za prijem u radni odnos u JU "Centar za sport i rekreaciju"

Član 1.

Ovim Poslovnikom utvrđuje se način rada i odlučivanja Komisije za provođenje javnog konkursa za prijem u radni odnos u JU "Centar za sport i rekreaciju" u daljem tekstu: Komisija) na sljedeća radna mjesta:

1. Radnik na održavanju na određeno vrijeme u trajanju od 1 godine
2. Higijeničar na određeno vrijeme u trajanju od 1 godine

Rad Komisije zasniva se na načelima zakonitosti, nezavisnosti, nepristrasnosti i javnosti.

Član 2.

Komisija je sastavljena od 3 (tri) člana kako slijedi:

1. Elma Šenderović, rukovodilac Službe za pravne, ekonomske i opšte poslove- predsjednik Komisije
2. Senada Bosno- rukovodilac Službe za upravljanje objektima, član Komisije
3. Adis Mušanović- rukovodilac Službe za sport, član Komisije

Administrativno-tehničke i pravne poslove za Komisiju obavlja sekretar Komisije, za kojeg je imenovana Almedina Abaspahić- saradnik za pravne poslove.

Član 3.

Komisija radi u punom sastavu. Sjednice Komisije će se održavati na zahtjev Predsjednika Komisije. O svom radu Komisija vodi zapisnik koji potpisuju svi članovi.

Član 4.

Komisija će Poslovnik o radu dostaviti direktoru najkasnije u roku od 3 (tri) dana od dana donošenja.

Član 5.

Najkasnije 3 (tri) dana nakon isteka roka za podnošenje prijave na javni oglas, predsjednik Komisije će sazvati sjednicu.

Na sjednici će Komisija pregledati sve pristigle prijave i dostavljene dokaze, utvrditi njihovu ispravnost i sastaviti spisak kandidata među kojim se provodi izborni postupak. Spisak potpisuju svi članovi Komisije.

Član Komisije će odmah ili najkasnije dva dana od dana saznanja za razloge izuzeća zatražiti izuzeće u Komisiji, ukoliko je srodnik nekog od prijavljenih kandidata u pravoj ili pobočnoj liniji do četvrtog stepena, u tazbinskoj liniji do drugog stepena, bračni ili vanbračni partner, usvojlac ili usvojenik.

Član 6.

Komisija će pisanim putem obavjestiti kandidate čija dokumentacija nije ispravna da nisu na spisku kandidata među kojim se provodi izborni postupak sa navođenjem razloga neispravnosti dokumentacije, uz mogućnost uvida u dostavljenu dokumentaciju, u roku od 3 (tri) dana od dana prijema obavijesti.

Član 7.

Postupku izbora kandidata mora prisustvovati Komisija u punom sastavu.

Postupak izbora kandidata za radno mjesto RADNIK NA ODRŽAVANJU sastoji se od:

1. pismenog ispita
2. usmenog ispita

Pismeni ispit se sastoji od ukupno 6 (šest) pitanja, koja su koncipirana tako da imaju više ponuđenih odgovora od kojih je samo jedan tačan. Svaki tačan odgovor se boduje sa 10 (deset) bodova, tako da kandidat na pismenom ispitu može osvojiti ukupno 60 (šezdeset) bodova.



OJ	RB	Str/Page
	IP- 48/24	

Usmeni ispit se sastoji od ukupno 4 (četiri) pitanja. Predsjednik Komisije će postaviti dva pitanja kandidatu, dok će članovi Komisije postaviti po jedno pitanje, a odgovori će biti bodovani sa maksimalno 10 (deset) bodova, tako da kandidat na usmenom ispitu može osvojiti ukupno 40 (četrdeset) bodova.

Sva pitanja koja će biti na pismenom i usmenom ispitu sadržana su u Katalogu pitanja i literature, koji je objavljen na web stranici JU „Centar za sport i rekreaciju“- www.csrsa.ba

Postupak izbora kandidata za radno mjesto- HIGIJENIČAR sastoji se od usmenog ispita.

Usmeni ispit se sastoji od ukupno 3 (tri) pitanja. Predsjednik i članovi Komisije će postaviti po jedno pitanje kandidatu, a odgovor će biti bodovan sa maksimalno 10 (deset) bodova, tako da kandidat na usmenom ispitu može osvojiti ukupno 30 (trideset) bodova.

Član 8.

O datumu, vremenu i mjestu polaganja pismenog i usmenog kandidati će biti obavješteni pismeno i putem web stranice JU “Centar za sport i rekreaciju”, www.csrsa.ba.

Između dana objave termina i samog termina polaganja pismenog ispita mora proći najmanje 5 (pet) dana.

Ako kandidat ne pristupi polaganju pismenog ispita smatrat će se da je odustao od dalje konkursne procedure.

Član 9.

Ukoliko ne bude objektivnih smetnji, cjelokupni postupak izbora kandidata obaviti će se istog dana.

Nakon završenog pismenog ispita Komisija će izvršiti bodovanje na zatvorenoj sjednici, nakon čega će pozivati kandidate abecednim redom.

Kandidati će pojedinačno pred Komisijom obaviti usmeni ispit. Kandidati će biti bodovani odmah nakon usmenog i pismenog ispita.

Član 10.

Komisija će nakon obavljenog izbornog postupka nastaviti rad na zatvorenoj sjednici na kojoj će zbrojiti sve osvojene bodove za svakog kandidata pojedinačno, potom kandidatima koji imaju prednost pri zapošljavanju uvećati bodove u skladu sa Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i Općinama u Kantonu Sarajevo broj: 02-04-33615-12/20 (“Službene novine KS” br. 37/20 i 27/21), te u konačnici sačiniti Listu uspješnih kandidata.

Član 11.

Komisija će najkasnije u roku od 3 (tri) radna dan od provedenog izbornog postupka dostaviti direktoru JU “Centar za sport i rekreaciju” Listu uspješnih kandidata sa bodovima i potpisane zapisnike o radu Komisije.

Prijedlog odluke o zasnivanju radnog odnosa sa najuspješnijim kandidatom potpisuju svi članovi Komisije.

Član 12.

Komisiji je u radu dozvoljeno neprimjetno odstupanje od ovog Poslovnika, a koje ne može značajno uticati na proceduru provođenja javnog poziva.

Član 13.

Ovaj Poslovnik stupa na snagu danom donošenja.

Komisija:

Elma Šenderović, predsjednik Komisije

Senada Bosno, član Komisije

Adis Mušanović, član Komisije

Almedina Abaspahić, sekretar Komisije

Broj: IP-48/24

Datum: 09.09.2024. godine